



Broj: 01-04-445-3-1/19  
Zenica, 21.01.2019. godine

05-03/21.01.19. CBT

SKUPŠTINA ZENIČKO-DOBOJSKOG KANTONA			
Primljeno: 21.01.2019.			
Org. jed.	Broj	Prilog	Vrijednost
01-04-445-3-1/19			

**SKUPŠTINA  
ZENIČKO - DOBOJSKOG KANTONA  
n/r predsjedavajućeg**

**PREDMET: Prijedlog Odluke o davanju saglasnosti na Odluku o izmjenama i dopunama Poslovnika o radu Nezavisnog odbora za izbor i reviziju - dostavlja se**

U prilogu ovog dopisa, dostavljamo Vam Prijedlog Odluke o davanju saglasnosti na Odluku o izmjenama i dopunama Poslovnika o radu Nezavisnog odbora za izbor i reviziju, radi razmatranja iste na sjednici Skupštine Zeničko-dobojskog kantona.

S poštovanjem,

- PRILOZI:** - Prijedlog Odluke o davanju saglasnosti na Odluku o izmjenama i dopunama Poslovnika o radu Nezavisnog odbora za izbor i reviziju  
- Odluka o izmjenama i dopunama Poslovnika o radu Nezavisnog odbora za izbor i reviziju broj: 01-04-~~806~~3/19 od 21.01.2019. godine  
- Poslovnika o radu Nezavisnog odbora za izbor i reviziju („Službene novine Zeničko-dobojskog kantona“, broj: 3/16)  
- Popunjen obrazac Izjave o fiskalnoj procjeni (Obrazac IFP NE)


**PREDSJEDAVALAČI**

*Ahmed Bjelopoljak*

**DOSTAVLJENO:**

1 x Naslovu,

1 x Predmet 45. sjednice Nezavisnog odbora/04-02



## PRIJEDLOG

Na osnovu člana 31. stav (1) Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona“ broj: 13/18), Skupština Zeničko-dobojskog kantona, na \_\_\_ sjednici održanoj dana \_\_\_ 2019. godine, d o n o s i:

### **O D L U K U** **o davanju saglasnosti na Odluku o izmjenama i dopunama Poslovnika o radu** **Nezavisnog odbora za izbor i reviziju**

#### **Član 1.** **(Davanje saglasnosti)**

Skupština Zeničko-dobojskog kantona daje saglasnost na Odluku o izmjenama i dopunama Poslovnika o radu Nezavisnog odbora za izbor i reviziju broj: 01-04-806-3/19 od 21.01.2019. godine.

#### **Član 2.** **(Stupanje na snagu i objavljivanje)**

Odluka stupa na snagu danom donošenja i objavit će se u «Službenim novinama Zeničko-dobojskog kantona».

**PREDSJEDAVAJUĆI**

*Ismet Sarajlić*

Broj: 01-01-\_\_\_\_\_/19  
Datum, \_\_\_\_\_.2019. godine  
Z e n i c a

## OBRAZLOŽENJE

### I – PRAVNI OSNOV

Pravni osnov za donošenje Odluke sadržan je u članu 31. stav (1) Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona“ broj: 13/18), kojim je propisano da je Nezavisni odbor dužan najkasnije u roku od 15 dana od dana imenovanja, u punom sazivu, održati konstituirajuću sjednicu i usvojiti Poslovnik o radu na koji saglasnost daje Skupština Kantona.

### II – RAZLOZI ZA DONOŠENJE

Razlog za donošenje Odluke je potreba postupanja po odredbi člana 31. stav (1) novog Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona“ broj: 13/18), koji se počeo primjenjivati od 01.01.2019. godine, po kojem Skupština Kantona daje saglasnost na Poslovnik o radu Nezavisnog odbora za izbor i reviziju, a shodno tome i na sve izmjene i dopune istog.

### III-OBRAZLOŽENJE PREDLOŽENIH RJEŠENJA

**Članom 1.** propisano je davanje saglasnosti Skupština Zeničko-dobojskog kantona na Odluku o izmjenama i dopunama Poslovnika o radu Nezavisnog odbora za izbor i reviziju.

**Članom 2.** propisano je stupanje na snagu Odluke danom donošenja iz razloga kontinuiranog nastavka rada Nezavisnog odbora za izbor i reviziju, kao i njeno objavljivanje u „Službenim novinama Zeničko-dobojskog kantona.“

### IV- FINANSIJSKA SREDSTVA

Za provođenje ove Odluke nisu potrebna dodatna finansijska sredstva.

**NEZAVISNI ODBOR ZA IZBOR I REVIZIJU**

Na osnovu člana 31. stav (1) Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona“ broj: 13/18), Nezavisni odbor za izbor i reviziju, na 45. sjednici, održanoj dana 21.01.2019. godine, d o n o s i:

**Odluku  
o izmjenama i dopunama Poslovnika  
o radu Nezavisnog odbora za izbor i reviziju**

**Član 1.**

U Poslovniku o radu Nezavisnog odbora za izbor i reviziju („Službene novine Zeničko-dobojskog kantona“, broj: 3/16), član 2. mijenja se i glasi:

**„Član 2.**

Nezavisni odbor radi i odlučuje u sjednicama.

Nezavisni odbor je dužan najkasnije u roku od 15 dana od dana imenovanja, u punom sazivu, održati konstituirajuću sjednicu i usvojiti Poslovnik o radu na koji saglasnost daje Skupština Kantona.

Članovi Nezavisnog odbora na prvoj konstituirajućoj sjednici između sebe biraju predsjedavajućeg, koji se po principu rotacije mijenja svakih 7 mjeseci.

Članovi Nezavisnog odbora mogu vršiti određene poslove u vezi sa svojim radom u ovom organu i van sjednica, a po ovlašćenju Nezavisnog odbora.“

**Član 2.**

U članu 3. stav 1. i 2. riječi „predsjednika i potpredsjednika“, zamjenjuju se riječima „predsjedavajućeg“.

U članu 3. stav 3. mijenja se i glasi :

„ U slučaju da predsjedavajući Nezavisnog odbora bude spriječen ili u nemogućnosti da obavlja svoju dužnost, poslove predsjedavajućeg će obavljati član Nezavisnog odbora kojeg većinom glasova odredi Nezavisni odbor.“

**Član 3.**

U članu 4. stav 1. i 2. riječ „predsjednik“ zamjenjuju se sa riječi „predsjedavajući“.

**Član 4.**

U članu 6. stav 1. iza riječi „se“ dodaje se riječ „najmanje“.

**Član 5.**

U članu 7. stav 1., 2., 3. i 5. riječ „predsjednik“ zamjenjuju se sa riječi „predsjedavajući“.

Stav 3. mijenja se i glasi:

„U slučaju spriječenosti predsjedavajućeg da sazove sjednicu, sjednicu saziva najstariji član Nezavisnog odbora“,

**Član 6.**

U članu 8. Poslovnika riječ „predsjednik“ zamjenjuje se sa riječi „predsjedavajući“.

**Član 7.**

U članu 9, stav 4. i 5. riječ „predsjednik“ zamjenjuje se sa riječi „predsjedavajući“.

**Član 8.**

Član 10. mijenja se i glasi:

**„Član 10.**

Sjednicom Nezavisnog odbora predsjedava predsjedavajući.

U slučaju spriječenosti predsjedavajućeg, sjednicom predsjedava član Nezavisnog odbora kojeg većinom glasova odredi Nezavisni odbor.

Radi potpunijeg sagledavanja pojedinih pitanja, čije razmatranje je u nadležnosti Nezavisnog odbora, predsjedavajući Nezavisnog odbora na sjednicu može, po potrebi, pozvati predstavnike odgovarajućih organa i drugih pravnih osoba i građana.“

#### **Član 9.**

U članu 11. stav 1. i 2. riječ „predsjednik“ zamjenjuje se sa riječi „predsjedavajući“ u odgovarajućem padežu.

#### **Član 10.**

U članu 12. riječ „predsjednik“ se zamjenjuje sa riječi „predsjedavajući“, a riječ „potpredsjednik“ se briše.

#### **Član 11.**

U članu 13. stav 1., 2., 4. i 5. riječ „predsjednik“ zamjenjuje se sa riječi „predsjedavajući“ u odgovarajućem padežu.

#### **Član 12.**

Člana 14. mijenja se i glasi:

#### **„Član 14.**

Nezavisni odbor može zasjedati ukoliko je prisutno pet od sedam članova.

Na redovnim sjednicama Nezavisni odbor donosi odluke, za koje su glasala najmanje četiri člana.

Na sjednicama na kojima se odlučuje o izboru, prijedlogu o smjeni i godišnjoj ocjeni rada policijskog komesara, Nezavisni odbor donosi odluke za koje je glasalo najmanje pet članova.

Odluke se donose javno, a zapisnik o glasanju članova Nezavisnog odbora koji sadrži izjašnjenje svakog člana je dostupan javnosti“.

#### **Član 13.**

Član 15. se briše.

Članovi od 16.-32. postaju članovi od 15.-31.

#### **Član 14.**

Član 20., koji postaje član 19., mijenja se i glasi:

„Nezavisni odbor objavljuje javni konkurs najkasnije u roku od 3 (tri) mjeseca prije isteka mandata policijskog komesara.

U slučaju razrješenja policijskog komesara, javni konkurs raspisuje se u roku od 15 dana od dana razrješenja.

Javni konkurs objavljuje se u“Službenim novinama Federacije Bosne i Hercegovine“ i u najmanje dva dnevna lista koja se distribuiraju na cijeloj teritoriji Bosne i Hercegovine.

Rok za podnošenje prijave je 15 dana od dana zadnjeg objavljivanja konkursa.

Tokom provođenja konkursa primjenjuje se princip transparentnosti i zakonitosti“.

#### **Član 15.**

Član 22, koji postaje član 21., mijenja se i glasi:

„Nezavisni odbor razmatra prijave kandidata, provjerava dokumentaciju kandidata i u skladu sa propisanim uslovima iz člana 33. Zakona o unutrašnjim poslovima Zeničko-dobojskog kantona

(„Službene novine Zeničko-dobojskog kantona“, broj: 13/18) i svih predviđenih kriterija iz člana 35. istog zakona utvrđuje rang listu od najmanje dva kandidata“.

#### **Član 16.**

U članu 27. , koji postaje član 26., stav 1. mijenja se i glasi:

„Rang listu sa obrazloženjem Nezavisni odbor dostavlja ministru Ministarstva unutrašnjih poslova u roku od 20 dana od dana isteka roka za podnošenje prijave na konkurs.“

U članu 27. , koji postaje član 26., u stavu 2., iza riječi „prvom“ dodaju se riječi „i drugom“, a iza riječi „prvo“ dodaju se riječi „i drugo“

#### **Član 17.**

Iza člana 27. koji postaje član 26., dodaje se novi član 26a., koji glasi:

#### **„Član 26a.**

„Ukoliko Nezavisni odbor na osnovu objavljenog konkursa ne može sačiniti rang listu od dva kandidata koji ispunjavaju uslove konkursa, konkurs će se ponoviti u roku od 15 dana od dana okončanja objavljenog konkursa.


Ukoliko se po ponovljenom konkursu ne može sačiniti rang lista od dva kandidata, Nezavisni odbor prijedlog jednog kandidata koji ispunjava uslove konkursa, putem ministra Ministarstva unutrašnjih poslova, dostavlja Vladi Kantona radi imenovanja.“

#### **Član 18.**

Ova Odluka stupa na snagu danom davanja saglasnosti Skupštine Zeničko-dobojskog kantona na istu, a objavit će se u „Službenim novinama Zeničko-dobojskog kantona“.

Broj: 01-04-806-3 /19  
Zenica, dana 21.01.2019. godine

**PRESJEDAVAJUĆI**  
**Ahmed Bjelopoljak**



44.

**Član 4.**

Na osnovu člana 30. stav 2. Zakona o unutrašnjim poslovima Zeničko-dobojskog kantona-Prečišćeni tekst („Službene novine Zeničko-dobojskog kantona“ broj: 15/04, 11/05 i 9/09), Nezavisni odbor za izbor i reviziju, na 7. sjednici, održanoj 15.02.2016. godine, d o n o s i:

**POSLOVNIK****o radu Nezavisnog odbora za izbor i reviziju****I OPĆE ODREDBE****Član 1.**

Poslovníkom o radu Nezavisnog odbora za izbor i reviziju, (u daljem tekstu: Poslovník), uređuje se način rada i odlučivanje Nezavisnog odbora za izbor i reviziju (u daljem tekstu: Nezavisni odbor), finansiranje Nezavisnog odbora i druga pitanja koja se odnose na rad i funkcionisanje Nezavisnog odbora.

Sjedište Nezavisnog odbora je u Zenici, ul. Kućukovići br. 2. Nezavisni odbor na svojim aktima koristi pečat Skupštine Zeničko-dobojskog kantona, a isti funkcionira kao nezavisno tijelo unutar Skupštine Zeničko-dobojskog kantona i ne zastupa i ne štiti interese bilo koje političke stranke, registrovane organizacije ili udruženja u Bosni i Hercegovini.

**Član 2.**

Nezavisni odbor radi i odlučuje u sjednicama.

Članovi Nezavisnog odbora mogu vršiti određene poslove u vezi sa svojim radom u ovom organu i van sjednica, a po ovlaštenju Nezavisnog odbora.

Nezavisni odbor ima predsjednika i potpredsjednika.

**Član 3.**

Predsjednika i potpredsjednika Nezavisni odbor bira većinom glasova ukupnog broja članova Nezavisnog odbora iz reda članova.

Prijedlog za izbor predsjednika i potpredsjednika može dati svaki član Nezavisnog odbora.

U slučaju da predsjednik Nezavisnog odbora bude privremeno u nemogućnosti da obavlja svoju dužnost, njegove poslove će obavljati potpredsjednik.

Predsjednik Nezavisnog odbora organizuje rad Nezavisnog odbora.

Predsjednik Nezavisnog odbora predstavlja Nezavisni odbor, saziva sjednice i predsjedava im, stara se o primjeni ovog Poslovníka, kao i o odredbama zakona koji se odnose na rad Nezavisnog odbora, pokreće inicijativu za razmatranje pojedinih pitanja iz djelokruga rada Nezavisnog odbora, stara se o provođenju akata Nezavisnog odbora, potpisuje akta koja donosi Nezavisni odbor i vrši i druge poslove koje mu povjeri Nezavisni odbor.

**Član 5.**

Stručnu i administrativno-tehničku pomoć Nezavisnom odboru pruža Stručna služba Skupštine Zeničko-dobojskog kantona.

**Član 6.**

Sjednice Nezavisnog odbora održavaju se jednom mjesečno, a po potrebi i češće.

Rad Nezavisnog odbora je javan.

Izuzetno, Nezavisni odbor može odlučiti da se po raspravi o pojedinim pitanjima isključi javnost.

**II PRIPREMANJE SJEDNICE NEZAVISNOG ODBORA****Član 7.**

Sjednicu Nezavisnog odbora saziva predsjednik po svojoj inicijativi ili po prijedlogu člana Nezavisnog odbora.

Predsjednik Nezavisnog odbora dužan je sazvati sjednicu na zahtjev najmanje jedne trećine članova Nezavisnog odbora.

Ako predsjednik odbije da sazove sjednicu, sjednicu će zakazati njegov potpredsjednik.

Sjednica Nezavisnog odbora saziva se aktom o sazivanju sjednice koji sadrži naročito: mjesto i vrijeme održavanja sjednice, prijedlog dnevnog reda i lica koja na sjednicu treba pozvati.

U slučajevima hitnosti, predsjednik Nezavisnog odbora može sazvati sjednicu i telefonskim putem, uz pomoć Stručne službe Skupštine, uz obavezu da na sjednici Nezavisnog odbora obrazloži razloge hitnosti.

**Član 8.**

Prijedlog dnevnog reda sjednice Nezavisnog odbora utvrđuje predsjednik, u saradnji sa Stručnom službom Skupštine.

**Član 9.**

Materijal za sjednicu Nezavisnog odbora sadrži obrazloženje prijedloga akata čije se donošenje predlaže, pregled izvršenja zadataka i zapisnik sa prethodne sjednice Nezavisnog odbora.

Materijal za sjednicu dostavlja se članovima Nezavisnog odbora uz poziv za sjednicu.

Poziv za sjednicu upućuje se članovima Nezavisnog odbora najkasnije osam dana prije dana određenog za održavanje sjednice.

Izuzetno, u hitnim slučajevima, predsjednik Nezavisnog odbora može sazvati sjednicu u roku kraćem od osam dana, a dnevni red predložiti na samoj sjednici.

Predsjednik Nezavisnog odbora će obavijestiti članove o razlozima hitnosti zakazivanja sjednice.

**III SJEDNICA NEZAVISNOG ODBORA****Član 10.**

Sjednicom Nezavisnog odbora predsjedava predsjednik.

U slučaju spriječenosti predsjednika, sjednicom predsjedava potpredsjednik.

Ako je i potpredsjednik spriječen da prisustvuje sjednici, sjednicom predsjedava najstariji član Nezavisnog odbora.

Radi potpunijeg sagledavanja pojedinih pitanja, čije razmatranje je u nadležnosti Nezavisnog odbora, predsjednik Nezavisnog odbora na sjednicu može, po potrebi, pozvati predstavnike odgovarajućih organa i drugih pravnih osoba i građana.

**Član 11.**

Predsjednik Nezavisnog odbora otvara sjednicu i utvrđuje da li sjednici prisustvuje potreban broj članova Nezavisnog odbora za punovažno odlučivanje i daje eventualna obavještenja u vezi sa sjednicom, nakon čega se pristupa usvajanju predloženog dnevnog reda sjednice.

Nezavisni odbor utvrđuje dnevni red sjednice na prijedlog predsjednika.

Član Nezavisnog odbora može izuzetno i na sjednici predložiti da se na dnevni red stavi određeno pitanje uz odgovarajuće obrazloženje.

Prije prelaska na prvu tačku dnevnog reda sjednice, Nezavisni odbor usvaja zapisnik sa prethodne sjednice.

O eventualnim primjedbama stavljenim na zapisnik, Nezavisni odbor odlučuje prilikom usvajanja zapisnika.

**Član 12.**

Sjednici Nezavisnog odbora u pravilu prisustvuje predsjednik, potpredsjednik, članovi Nezavisnog odbora i predstavnici Stručne službe Skupštine Zeničko-dobojskog kantona, kao i pozvani predstavnici odgovarajućih organa i drugih pravnih osoba i građana.

**Član 13.**

Član Nezavisnog odbora, odnosno učesnik, može govoriti kada dobije riječ od predsjednika Nezavisnog odbora.

Predsjednik daje riječ učesnicima na sjednici po redu prijavljivanja.

Članovi Nezavisnog odbora i drugi učesnici treba da svoja izlaganja prilagode sadržini i značaju pitanja o kojima se vodi rasprava po utvrđenom dnevnom redu.

Predsjednik se stara da učesnik na sjednici ne bude ometan u govoru.

U slučaju da se član Nezavisnog odbora ili drugi učesnik na sjednici udalji od dnevnog reda, predsjednik će ga upozoriti da se drži dnevnog reda.

**Član 14.**

Nezavisni odbor može punovažno raspravljati i odlučivati ukoliko sjednici prisustvuje većina članova Nezavisnog odbora, a odluke donosi većinom glasova ukupnog broja članova Nezavisnog odbora.

O prijedlogu odluke odlučuje se glasanjem.

Glasanje je javno, ako Nezavisni odbor ne odluči drugačije.

Javno glasanje vrši se dizanjem ruke ili poimeničnom prozivkom i izričitim izjašnjavanjem članova Nezavisnog odbora.

Tajno glasanje vrši se putem glasačkih listića. U slučaju da se odluči za tajno glasanje postupak glasanja uredit će se posebnim zaključkom.

Članovi Nezavisnog odbora glasaju na taj način što se izjašnjavaju za ili protiv prijedloga odluke ili se uzdržavaju od glasanja.

**Član 15.**

Po završenom glasanju predsjednik utvrđuje rezultate glasanja.

Prijedlog odluke je prihvaćen i odluka po prijedlogu je donijeta ako se za prijedlog odluke izjasnila većina članova Nezavisnog odbora, propisana ovim Poslovnikom.

Po završenom utvrđivanju rezultata glasanja, predsjednik objavljuje na sjednici kakvu je odluku Nezavisni odbor donio.

#### Član 16.

Zakazana sjednica Nezavisnog odbora odlaže se kada nastupe razlozi koji onemogućavaju održavanje sjednice u zakazani dan.

Sjednica Nezavisnog odbora odlaže se i kada se poslije otvaranja sjednice ustanovi da sjednici ne prisustvuje dovoljan broj članova Nezavisnog odbora za punovažno odlučivanje.

#### Član 17.

Po završenom pretresu i odlučivanju o svim pitanjima koja su na dnevnom redu sjednice, predsjednik jasno utvrđuje da je sjednica Nezavisnog odbora zaključena.

### IV ZAPISNIK

#### Član 18.

O radu sjednice Nezavisnog odbora vodi se zapisnik.

O vođenju zapisnika stara se Stručna služba Skupštine.

U zapisnik se unosi: redni broj sjednice, ime predsjednika, imena prisutnih i odsutnih članova Nezavisnog odbora, imena lica koja po pozivu prisustvuju sjednici, dan i sat početka i završetka sjednice, dnevni red i stavove, odnosno zaključke donesene po pojedinim pitanjima. U zapisnik se unose i rezultati glasanja povodom pojedinih pitanja.

Svaki član Nezavisnog odbora ima pravo da traži da se njegove izjave i prijedlozi unesu u zapisnik.

Zapisnik se po pravilu usvaja na narednoj sjednici Nezavisnog odbora.

#### Član 19.

Svaki član Nezavisnog odbora ima pravo da na narednoj sjednici stavi primjedbu na zapisnik.

O osnovanosti primjedbe odlučuje Nezavisni odbor.

Ukoliko se primjedba usvoji, u zapisniku će se izvršiti odgovarajuće izmjene.

Usvojeni zapisnik potpisuje predsjednik Nezavisnog odbora i osoba koja vodi zapisnik.

Na sjednici Nezavisnog odbora mogu se voditi stenografske bilješke, odnosno vršiti tonsko snimanje, kada iste bilješke odnosno tonski snimak sjednice postaju sastavni dio zapisnika.

### IV POSTUPAK PREDLAGANJA KANDIDATA ZA POLICIJSKOG KOMESARA

#### Član 20.

Nezavisni odbor objavljuje konkurs za upražnjeno mjesto policijskog komesara.

U slučaju isteka mandata policijskog komesara Nezavisni odbor će objaviti konkurs o upražnjenom mjestu policijskog komesara najkasnije 45 dana prije isteka mandata.

U slučaju smrti, ostavke ili smjene policijskog komesara ili drugih okolnosti koje se ne mogu predvidjeti, Nezavisni odbor će objaviti konkurs što je prije moguće, ali ne kasnije od 15 dana, nakon što mjesto postane upražnjeno.

#### Član 21.

Konkurs za policijskog komesara će biti u skladu sa standardnom formom za konkurse.

Konkurs sadrži opće i posebne uslove za mjesto policijskog komesara, rok za podnošenje prijave, postupak za prijavljivanje na upražnjeno mjesto, način i mjesto gdje se može dobiti prijavni materijal i potrebne informacije.

Konkurs za policijskog komesara obavezno se oglašava u najmanje dva dnevna lista koja su dostupna čitaocima na cijelom prostoru Bosne i Hercegovine i u „Službenim novinama Federacije Bosne i Hercegovine“.

#### Član 22.

Nezavisni odbor razmatra prijave kandidata pristigle u propisanom roku.

Prijavljenim kandidatima priznaju se samo oni uslovi koje ispunjavaju, odnosno koje ispune najkasnije posljednjeg dana roka za podnošenje prijave.

Prijave uz koje nisu dostavljeni dokazi o ispunjavanju uslova traženi u konkursu i neblagovremene prijave smatrat će se neurednim i neće se razmatrati, a podnosioci istih obavijestit će se o tome u roku od osam dana od dana utvrđenja tih činjenica.

#### Član 23.

Kandidate koji ispunjavaju uslove konkursa Nezavisni odbor poziva na intervju.

Nezavisni odbor će unaprijed obavijestiti kandidate o usmenom intervjuu, u razumnom vremenskom roku, ali ne kraćem od tri dana prije zakazanog intervjua.

U pozivu za intervju kandidat će se obavijestiti o datumu, vremenu i mjestu održavanja intervjua.

**Član 24.**

Intervju sa kandidatima za policijskog komesara provodi Nezavisni odbor.

**Član 25.**

Intervjuom će se ispitati kandidatove kvalifikacije, uključujući kandidatovo obrazovanje, stručno iskustvo, poznavanje unutrašnjih poslova i kriminalistike, vještine usmenog i pismenog izražavanja, sposobnosti timskog rada, kontrole i rukovođenja policijskim poslovima, komunikacijske i druge sposobnosti i vještine.

Nezavisni odbor će kandidate intervjuisati pojedinačno.

**Član 26.**

Nezavisni odbor će usvojiti standardni obrazac za ocjenu kandidata koji će popuniti članovi Nezavisnog odbora koji vode intervju.

Standardni obrazac za ocjenu kandidata svakog člana Nezavisnog odbora poslužit će za konačnu procjenu kandidata.

**Član 27.**

Nezavisni odbor će na osnovu utvrđene rang liste najuspješnijih-najboljih kandidata, a nakon izvršenog bodovanja poslije intervjuja, predložiti kandidata za policijskog komesara ministru Ministarstva unutrašnjih poslova.

Ukoliko dva ili više kandidata nakon izvršenog bodovanja od strane svakog člana Nezavisnog odbora budu imali jednak broj bodova, a po broju bodova se nalaze na prvom mjestu na Rang-listi najuspješnijih-najboljih kandidata, odnosno dijele prvo mjesto na navedenoj listi, pristupiće se postavljanju jednog dodatnog pitanja za te kandidate, (ranije utvrđenog), te zatim bodovanju datog odgovora.

U slučaju ponovnog imenovanja za drugi mandat, Nezavisni odbor ocjenjuje cjelokupan rad policijskog komesara na osnovu ranije razmatranih mjesečnih izvještaja o radu policijskog komesara i izvještaja o radu Uprave policije.

**V ODNOSI SA JAVNOŠĆU****Član 28.**

Na zahtjev medija, (pisanih ili elektronskih), Vlade i Skupštine Kantona, te nadležnih radnih tijela Skupštine, predsjednik Nezavisnog odbora ili lice koje on ovlasti, mogu davati izjave i u njima iznositi isključivo zvanične stavove i odluke Nezavisnog odbora.

**VI FINANSIRANJE NEZAVISNOG ODBORA****Član 29.**

Članovima Nezavisnog odbora pripada pravo na naknadu za rad u visini koju svojim aktom utvrdi nadležno radno tijelo Skupštine Zeničko-dobojskog kantona.

**VII PRIJELAZNE I ZAVRŠNE ODREDBE****Član 30.**

Ukoliko neko pitanje rada Nezavisnog odbora nije uređeno ovim Poslovníkom, to pitanje će se urediti posebnim zaključkom Nezavisnog odbora.

**Član 31.**

Danom stupanja na snagu ovog Poslovníka prestaje da važi Poslovník o radu Nezavisnog odbora za izbor i reviziju („Službene novine Zeničko-dobojskog kantona“, broj: 13/02).

**Član 32.**

Ovaj Poslovník stupa na snagu danom donošenja, a objavit će se u Službenim novinama Zeničko-dobojskog kantona“.

Broj: 01-04-2882-2/16

**PREDSJEDNIK**

Datum, dana 15.02.2016. godine

Zenica

**Ahmed Bjelopoljak, s.r.**

**V L A D A**

**45.**

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj 7/10) i člana 10. Odluke o preuzimanju prava i obaveza osnivača i usklađivanju organiziranja i poslovanja Javne ustanove Kantonalna bolnica („Službene novine Zeničko-dobojskog kantona“, broj 11/12), Vlada Zeničko-dobojskog kantona, na 41. sjednici, održanoj 04.02.2016. godine, d o n o s i

# OBRAZAC IZJAVA O FISKALNOJ PROCJENI

**Obrazac IFP NE**

<b>A. 1. Obradivač oronisa</b>		KOB	NAZIV	
Razdjel	10010001	SKUPŠTINA KANTONA		
<b>B. 2. Osnovni podaci o predloženoj propisi</b>				
Vrsta propisa/akta	Zakon Uredba	NE NE	Odluka Drugi akti	Strategija Drugi akti planiranja
Naziv propisa/akta				

**C. 3. Izjava o nepostojanju dodatnih fiskalnih efekata predložene propisa**

Donošenje odnosno provođenje Odluke o davanju saglasnosti na Odluku o izmjenama i dopunama Poslovnika o radu Nezavisnog odbora za izbor i reviziju neće imati fiskalne posljedice na Budžet u smislu obezbjeđivanja dodatnih budžetskih sredstava.

<b>D 4. Pečat i potpis odgovornog lica obrađivača, odnosno predlagача propisa</b>		<b>Mjesto i datum</b>
Ahmed Bjelopoljak, predsjedavajući Nezavisnog odbora za izbor i reviziju		Zenica, 07.01.2019.

